

“Trastbank” xususiy aksiyadorlik banki tomonidan jismoniy shaxslarga
avtomobil sotib olish uchun qarz berish tartibi to‘g‘risida nizom”ga
3a-ilova

*(Bank kuzatuv kengashining 2023 yil 20 fevraldagi 24-son qarori bilan tasdiqlangan
va 2023 yil 15 martda 629-son bilan ro‘yxatga olingan ichki normativ hujjatga
muvofiq kiritilgan ilova)*

Qarzning to‘liq qiymati: ____ (_____)%

QARZ SHARTNOMASI

20__yil “__” _____ №_____ shahri

“Trastbank” xususiy aksiyadorlik banki “_____” bank xizmatlari ofisi (bank xizmatlari markazi) (keyingi o‘rinlarda – Bank) boshqaruvchisi (boshlig‘i) _____ Nizom va Ishonchnoma asosida faoliyat yuritib, bir tarafdin, jismoniy shaxs _____ (____.____.20__da tug‘ilgan, pasport yoki ID-karta _____, JSHSHIR_____), (keyingi o‘rinlarda – Qarzdor/mijoz), ikkinchi tarafdin, va jismoniy shaxs _____ (____.____.20__da tug‘ilgan, pasport yoki ID-karta _____, JSHSHIR_____), (keyingi o‘rinlarda – Birgalikda qarzdor), uchinchi tarafdin, mazkur Shartnomani quyidagilar haqida tuzdik. *(Bank kuzatuv kengashining 2025 yil 21 iyuldagi 80-son qarori bilan tasdiqlangan va 2025 yil 19 avgustda 705-son bilan ro‘yxatga olingan ichki normativ hujjat tahriridagi muqaddima)*

1-§. Shartnoma predmeti

1. Bank avtomobil sotib olishga qarz berish majburiyatini, Qarzdor/mijoz esa olingan qarzni belgilangan muddatda qaytarish majburiyatini oladi.

2. Bank Qarzdorga/mijozga ushbu Shartnomada nazarda tutilgan shartlar asosida _____ (_____) so‘m qarz beradi. Ushbu qarzning _____ (_____) so‘mi _____ avtomobili sotib olish, qolgan _____ (avtomobil markasi) _____ (_____) so‘mi garovni (sug‘urtani) rasmiylashtirish uchun ajratiladi.

3. Bank Qarzdor/mijoz arizasi asosida hamkor tashkilot hisobvarag‘iga qarzga sotib olinayotgan avtomobil uchun to‘lovni pul o‘tkazish yo‘li bilan amalga oshiradi.

4. Qarzdor/mijoz tomonidan olingan qarz hisobini yuritish uchun Bank unga tegishli qarz hisobvarag‘i ochadi.

2-§. Shartnoma qiymati

5. Qarzni qaytarish tomonlarning o‘zaro kelishuviga muvofiq _____ (differensial yoki annuitet) usulida amalga oshiriladi.

6. Qarzni qaytarish ushbu Shartnomaga ilova qilingan qarzni qaytarish jadvaliga muvofiq amalga oshiriladi.

7. Qarz bo‘yicha amalga oshirilgan to‘lov qiymati Qarzdorning/mijozning Bank oldidagi majburiyatini batamom bajarish uchun yetarli bo‘lmaganida, O‘zbekiston Respublikasi fuqarolik kodeksining 248-moddasiga muvofiq, Qarzdorning/mijozning qarzi quyidagi navbatda qoplanadi:

a) asosiy qarz bo‘yicha muddati o‘tgan qarzdorlik va muddati o‘tgan foiz to‘lovlari mutanosib ravishda;

b) joriy davr uchun hisoblangan foiz va joriy davr uchun asosiy qarz bo‘yicha qarzdorlik;

d) jarima va penya;

e) kreditorning qarzdorlikni uzish bilan bog‘liq bo‘lgan boshqa xarajatlari.

(Bank kuzatuv kengashining 2025 yil 3 martdagi 36-son qarori bilan tasdiqlangan va 2025 yil 4 martda 694-son bilan ro'yxatga olingan ichki normativ hujjat tahriridagi band)

3-§. Tomonlarning huquq va majburiyatlari

8. Bank quyidagi huquqlarga ega:

a) Qarzdorning/mijozning to'lovga layoqatlilik qobiliyatini yanada to'laroq tahlil qilish uchun undan qo'shimcha hujjatlar talab qilish;

b) qarzdan foydalanish davrida Kredit byurosidan Qarzdor/mijoz va birgalikda qarzdor haqida kredit hisoboti olish;

d) Qarzdor/mijoz tomonidan ushbu Shartnoma bo'yicha qarzni qaytarish muddati buzilganda nizoni sudgacha hal qilish yuzasidan o'z talabnomasini Qarzdorga/mijozga (va birgalikda qarzdorga) yetkazish;

e) Qarzdor/mijoz talabnomada belgilangan muddatda ko'rsatilgan talablarni lozim darajada bajarmaganda, sudga da'vo bilan murojaat etish;

f) qarz belgilangan muddatda qaytarilmaganda, qarzdorlikni birgalikda qarzdordan undirish;

g) Qarzdor/mijoz ushbu Shartnoma bo'yicha o'z majburiyatlarini bajarmaganligi yoki lozim darajada bajarmaganligi oqibatida asosiy qarz va/yoki foiz bo'yicha muddati o'tgan qarzdorlik paydo bo'lsa, Qarzdorning/mijozning (Birgalikda qarzdorning) O'zbekiston tijorat banklarida ochilgan bank hisobvaraqlaridan (bank omonatlaridan), shu jumladan bank kartalaridan mazkur Shartnoma bo'yicha majburiyatlarini bajarish uchun zarur bo'lgan pul mablag'ini so'zsiz va akseptsiz yechib olish/undirish/hisobdan chiqarish (bunda Bank tomonidan mablag' hisobdan chiqarilgan sanadan boshlab keyingi ish kunidan kechiktirmagan holda Qarzdorga/mijozga (Birgalikda qarzdorga) uning hisobvarag'idan qancha miqdordagi mablag' qanday sababga asosan Bank foydasiga undirilganligi ko'rsatilgan holda xabarnoma yuboriladi); *(Bank kuzatuv kengashining 2025 yil 21 iyuldagi 80-son qarori bilan tasdiqlangan va 2025 yil 19 avgustda 705-son bilan ro'yxatga olingan ichki normativ hujjat tahriridagi kichik band)*

h) Qarzdordan/mijozdan muddati o'tkazib yuborilgan qarzdorlik yuzaga kelishi sabablari haqida so'rash;

i) Qarzdor/mijoz tomonidan, ushbu Shartnoma doirasida, korrupsion harakatlar bevosita yoki bilvosita sodir etilganligi aniqlansa, mazkur Shartnomani bir tarafdama bekor qilish; *(Bank kuzatuv kengashining 2025 yil 3 martdagi 36-son qarori bilan tasdiqlangan va 2025 yil 4 martda 694-son bilan ro'yxatga olingan ichki normativ hujjatga muvofiq kiritilgan kichik band)*

j) quyidagi har qanday davrda sodir bo'ladigan holatlarning har birida qarzni muddatidan oldin sud tartibida to'liq undirish:

Qarzdor/mijoz mazkur Shartnoma yuzasidan o'z majburiyatlarini qarzni qaytarish jadvalida belgilangan muddatlarda bajarmaganligi yoki lozim darajada bajarmaganligi oqibatida asosiy qarz, hisoblangan foiz, muddati o'tgan qarzga oshirilgan stavka bo'yicha hisoblangan foiz bo'yicha qarzdorlik yuzaga kelgan kundan boshlab 30 (o'ttiz) kalendar kun davomida;

Qarzdor/mijoz ushbu Shartnoma bo'yicha o'z majburiyatlarini (qarzdorlikni to'lash majburiyatidan tashqari), ularni bajarmayotganligi haqida bildirishnoma (talabnoma) yuborilgan kundan boshlab 30 (o'ttiz) kalendar kun ichida lozim darajada bajarmasa.

(Bank kuzatuv kengashining 2025 yil 21 iyuldagi 80-son qarori bilan tasdiqlangan va 2025 yil 19 avgustda 705-son bilan ro'yxatga olingan ichki normativ hujjatga ko'ra kiritilgan kichik band)

9. Qarzdor/mijoz quyidagi huquqlarga ega:

a) avtomobil uchun to'lov hamkor tashkilotning hisobvarag'iga o'z vaqtida o'tkazib berilishini Bankdan talab qilish;

b) ushbu Shartnoma tuzilgandan keyin va Qarzdor/mijoz tomonidan pul mablag'i olingunga yoxud qarz hisobidan avtomobil uchun to'lov amalga oshirilgunga qadar bo'lgan davrda qarz olishdan bepul asosda voz kechish;

d) qarzt bo'yicha asosiy qarz va unga hisoblangan foizni jarima sanksiyalarisiz istalgan vaqtda muddatidan oldin to'liq to'lagandan hamda shartnoma bo'yicha majburiyatlarni to'liq

bajargandan so'ng Bank bilan ushbu shartnomani muddatidan oldin bekor qilish. *(Bank kuzatuv kengashining 2025 yil 21 iyuldagi 80-son qarori bilan tasdiqlangan va 2025 yil 19 avgustda 705-son bilan ro'yxatga olingan ichki normativ hujjat tahriridagi kichik band)*

10. Bank quyidagi majburiyatlarni o'z zimmasiga oladi:

a) qarzni Qarzdorga/mijozga 20__ yil “__” _____ dan 20__ yil “__” _____ gacha bo'lgan muddatga berish;

b) Qarzdorga/mijozga o'z vaqtida qarz hisobvarag'i ochish;

d) Qarzdor/mijoz tomonidan qarz berilishiga oid shartlar [o'z mablag'i bilan qatnashish, qarz ta'minoti sifatida qarzga sotib olinayotgan avtomobilni garovga qo'yish, qarz qiymatining 130 foizi miqdorida qarzning qaytmaslik xataridan sug'urta polisini taqdim etish, garov shartnomasini notarial tasdiqlatish (foydalanishda bo'lgan avtomobil sotib olinganda), garovga qo'yilgan avtomobilni qarzdor tomonidan foydalanishning butun davriga yo'l-transport hodisasi va boshqa noxush holatlardan sug'urtalash] bajarilgandan so'ng, avtomobil qiymatini to'liq miqdorda *avtomobil sotuvchining* hisobvarag'iga o'tkazib berish;

e) Bank ushbu Shartnomada nazarda tutilgan qarzni berishdan butunlay yoki qisman bosh tortgan taqdirda, mazkur qarz bo'yicha mablag' berishni to'xtatib qo'yish to'g'risida qaror qabul qilingan sanadan boshlab keyingi ish kunidan kechiktirmasdan Qarzdorga/mijozga qarz berish to'xtatilganligi va uning sababi yuzasidan yozma xabarnoma yuborish;

f) Qarzdorning/mijozning talabi bo'yicha qarz hisobvarag'ining holatiga oid ko'chirmani taqdim qilish;

g) qarzni muddatidan oldin undirish omili va sabablari haqida Qarzdorni/mijozni xabardor etish;

h) qarz bo'yicha muddati o'tkazib yuborilgan qarzdorlik yuzaga kelganda Qarzdor/mijoz zimmasidagi qarz yuki yanada oshib ketishining oldini olish maqsadida ushbu qarzdorlik yuzaga kelgan sanadan boshlab 7 kalendar kuni davomida har qanday aloqa bog'lash usulidan, shu jumladan elektron aloqa vositasidan foydalanib, Qarzdorga/mijozga muddati o'tkazib yuborilgan qarzdorlik yuzaga kelganligi haqida, qarzni qaytarish jadvalini ilova qilgan holda, xabar berish;

i) Qarzdorni/mijozni ushbu Shartnoma bo'yicha muddati o'tkazib yuborilgan qarzdorlikni qaytarish majburiyati bajarilmaganligi holati, muddati, qiymati, tarkibi va oqibatlari haqida xabardor qilish;

j) Qarzdorni/mijozni quyidagi omillarni hisobga olgan holda o'z moliyaviy ahvolini tahlil qilishi zarurligi to'g'risida ogohlantirish:

Qarzdorning/mijozning qarz yuki joriy moliyaviy ahvoliga mos kelishini;

ushbu Shartnomada ko'rsatilgan majburiyatlarini bajarishi uchun taxminan qaysi muddatlarda va qancha miqdorda pul mablag'i kelib tushishi kutilayotganligini (ish haqi to'lanishi, boshqa daromad olishi davriyligi);

ushbu Shartnoma bo'yicha o'z majburiyatlarini bajara olmasligiga olib kelishi mumkin bo'lgan yengib bo'lmas kuch ta'siridagi vaziyatlar va boshqa holatlar yuz berishi ehtimolini (doimiy ishini yo'qotish, o'ziga bog'liq bo'lmagan sababga ko'ra ish haqi va boshqa turdagi daromadni kechikib olishi, ishga joylashishi, sog'lig'ining yomonlashganligi natijasida daromadining tushib ketishi);

k) Qarzdor/mijoz tomonidan qarzni qaytarish muddati buzilganda nizoni sudgacha hal qilish yuzasidan o'z talabnomasini Qarzdorga/mijozga yuborish (ushbu talabnomada talabnoma tuzilgan sanadagi Qarzdorning/mijozning joriy qarzi miqdori va tarkibi, qarzni to'lash usullari, talabnomada ko'rsatilgan muddatgacha o'z majburiyatlarini bajarmasligi oqibatlari va nizoni sudgacha hal qilish usullari qayd etiladi); *(Bank kuzatuv kengashining 2025 yil 21 iyuldagi 80-son qarori bilan tasdiqlangan va 2025 yil 19 avgustda 705-son bilan ro'yxatga olingan ichki normativ hujjat tahriridagi kichik band)*

l) Qarzdor/mijoz tomonidan qarz to'liq qaytarilgandan so'ng, ya'ni amalga oshirilgan oxirgi to'lov sanasining keyingi uch ish kunidan kechiktirmagan holda, Qarzdorning/mijozning shaxsiy kabinetida qarz bo'yicha qarzdorlik to'liq so'ndirilganligi va ushbu Shartnoma bo'yicha qarzdorlik mavjud emasligi to'g'risida ma'lumot joylashtirish.

11. Qarzdor/mijoz o'z zimmasiga quyidagi majburiyatlarni oladi:

a) qarz berilgunga qadar quyidagi shartlarni bajarish: o'z mablag'i bilan qatnashish, qarz ta'minoti sifatida qarzga sotib olinayotgan avtomobilni garovga qo'yish, qarz qiymatining 130 foizi miqdorida qarzning qaytmaslik xatari bo'yicha sug'urta polisini taqdim etish va garov shartnomasini notarial tasdiqlatish (foydalanishda bo'lgan avtomobil sotib olinganda), garovga qo'yilgan avtomobilni qarzdor foydalanishning butun davriga yo'l-transport hodisasi holati va boshqa noxush holatlardan sug'urtalash;

b) mazkur Shartnoma shartlari va "Qarzni qaytarish va foiz to'lovi jadvali"ga muvofiq qarzni belgilangan muddatlarda to'lash, Bank bilan o'z vaqtida hisob-kitobni amalga oshirish; *(Bank kuzatuv kengashining 2025 yil 21 iyuldagi 80-son qarori bilan tasdiqlangan va 2025 yil 19 avgustda 705-son bilan ro'yxatga olingan ichki normativ hujjat tahriridagi kichik band)*

d) Garov reestriga yozuv kiritishga o'zining yozma roziligi taqdim etish;

e) yashash manzili, ish joyi, familiyasi yoki ismi va ushbu Shartnoma bo'yicha majburiyatlar bajarilishiga ta'sir ko'rsatishi mumkin bo'lgan boshqa holatlarga oid o'zgarishlar to'g'risida axborotni 5 bank ish kuni mobaynida Bankka taqdim etish;

f) ushbu Shartnoma bo'yicha o'z majburiyatlarini bajarmaganligi yoki lozim darajada bajarmaganligi oqibatida asosiy qarz va/yoki foiz bo'yicha muddati o'tgan qarzdorlik paydo bo'lsa, Bankka o'zining O'zbekiston tijorat banklarida ochilgan bank hisobvaraqlaridan (bank omonatlaridan), shu jumladan bank kartalaridan mazkur Shartnoma bo'yicha majburiyatlarini bajarish uchun zarur bo'lgan pul mablag'ini so'zsiz va akseptsiz yechib olish/undirish/hisobdan chiqarish huquqini berish. *(Bank kuzatuv kengashining 2025 yil 21 iyuldagi 80-son qarori bilan tasdiqlangan va 2025 yil 19 avgustda 705-son bilan ro'yxatga olingan ichki normativ hujjatga muvofiq kiritilgan kichik band)*

4-§. Tomonlarning javobgarligi

12. Qarzdor/mijoz qarz hisobiga sotib olingan avtomobilni, ushbu Shartnoma amal qilayotgan davr ichida, Bankning yozma ruxsatini olmasdan turib o'z tasarrufidan chiqargan (egallik huquqini boshqa shaxsga o'tkazgan) bo'lsa, u Bankka qarz qiymatidan 25% miqdorda jarima to'laydi hamda qarzni muddatidan avval qaytaradi.

13. Qarzdor/mijoz qarz hisobiga sotib olingan avtomobilni hamkor tashkilotdan qabul qilib olingan kundan boshlab 10 kalendar kun ichida garovga qo'ymasa, Bankka har bir kechiktirilgan kun uchun qarz qoldig'idan 0,02%, lekin qarz dorlig'ining 50 foizidan oshmagan miqdorda Bankka penya to'laydi. Penya to'lanishi Qarzdorni/mijozni qarz hisobiga sotib olingan avtomobilni garovga qo'yishdan ozod qilmaydi.

14. Tomonlar ushbu Shartnoma majburiyatlarini bajarmagan yoki lozim darajada bajarmagan taqdirda, ularga O'zbekiston Respublikasi qonun hujjatlarida belgilangan javobgarlik choralari qo'llaniladi.

5-§. Fors-major holatlar

15. Ushbu Shartnomaga ko'ra qabul qilingan majburiyatlarni bajarmagan yoki lozim darajada bajarmagan tomon, agar bunga fors-major holat sabab bo'lganligini isbotlay olmasa, javobgar bo'ladi.

16. Fors-major holatlarga, ular oqibatida kelib chiqqan favqulodda, joriy sharoitda bartaraf etib bo'lmaydigan va oldindan kutilmagan vaziyatlar, agar ushbu vaziyatlar tomonlarning mazkur Shartnomani bajarishiga bevosita ta'sir ko'rsatgan bo'lsa, quyidagilar kiradi:

a) tabiiy hodisalar (zilzila, yong'in, ko'chki, dovul, suv toshqini, epidemiya, qurg'oqchilik, portlash);

b) ijtimoiy-iqtisodiy vaziyatlar (harbiy harakat, ish tashlash, ommaviy tartibsizliklar, qamal, moliyaviy sanrsiyalar, shuningdek barcha darajadagi davlat organlarining qarorlari va O'zbekiston Respublikasi Savdo-sanoat palatasi tomonidan fors-major holat sifatida tan olingan va e'lon qilingan vaziyatlar).

17. Fors-major holat sodir bo'lishi oqibatida o'z majburiyatini bajarish imkoniyatiga ega

bo'lmagan va javobgarlikdan ozod qilishni da'vo qiladigan tomon fors-major holat sodir bo'lganini ma'lum bo'lishi bilan ikkinchi tomonni mazkur holat to'g'risida yozma ravishda xabardor qilishi shart.

18. Javobgarlikdan ozod bo'lish uchun asos sifatida qabul qilinadigan fors-major holat u sodir bo'lgan vaqtdan boshlab yoki agar xabar o'z vaqtida berilmagan bo'lsa, xabar berilgan sanadan e'tiboran kuchga ega bo'ladi. Xabar berilmasligi, majburiyatni bajarmagan tomon zimmasiga ko'rilgan zararni qoplash yuzasidan javobgarlikni yuklaydi.

19. Fors-major holatning 6 oylik muddat davomida saqlanib turishi mazkur Shartnomani bekor qilish uchun asos bo'ladi.

6-§. Nizolarni hal qilish

20. Bank va Qarzdor/mijoz, taraflarning o'zaro roziligiga ko'ra, qonun hujjatlarida belgilangan nizoni sudgacha hal qilish usullarini qo'llashga, shu jumladan muzokara o'tkazish orqali hal qilishga haqli hisoblanadi.

21. Taraflar ushbu Shartnoma bilan bog'liq bo'lgan, muzokara yo'li bilan hal qilish mumkin barcha nizolarni Bank (bank xizmatlari ofisi, bank xizmatlari markazi) joylashgan joydagi tegishli sudda ko'rib chiqishga kelishib oldilar. *(Bank kuzatuv kengashining 2025 yil 3 martdagi 36-son qarori bilan tasdiqlangan va 2025 yil 4 martda 694-son bilan ro'yxatga olingan ichki normativ hujjat tahriridagi band)*

7-§. Shartnomaning boshqa shartlari

22. Ushbu Shartnomaning ilovasi uning ajralmas qismi hisoblanadi.

23. Bank qarzdor/mijoz uchun ushbu Shartnoma bo'yicha qarzni qaytarishning masofadan turib amalga oshirish imkoniyatini yaratadi.

24. Qarzdor/mijoz vafot etganda uning huquq va majburiyatlari O'zbekiston Respublikasi qonun hujjatlariga muvofiq hal etiladi.

25. Mazkur Shartnoma u imzolangan kundan boshlab to Qarzdor/mijoz tomonidan ushbu Shartnoma majburiyatlari to'liq bajarilgunga qadar amal qiladi.

26. Mazkur Shartnomaning bekor qilinishi tomonlarni u bekor qilingunga qadar bildirilgan o'zaro da'volarni (talablarni) qondirish majburiyatidan ozod qilmaydi.

27. Ushbu Shartnomaga kiritiladigan har qanday o'zgartirishlar, ular yozma ravishda tuzilib, tomonlarning vakolatli vakillari tomonidan imzolanganda qonuniy kuchga ega bo'ladi.

28. Mazkur Shartnomada ko'zda tutilmagan holat yuzasidan O'zbekiston Respublikasi qonun hujjatlari qo'llaniladi.

8-§. Tomonlarning pochta manzili va rekvizitlari

Bank:

Manzili: _____

Tel.: _____ STIR: _____

Bank kodi: _____

Bank hisobvarag'i: _____

Boshqaruvchi (boshliq): _____

Muhr

Qarzdor/mijoz:

Manzili: _____

Telefon: _____

STIR: _____

Shaxsni tasdiqlovchi hujjat ma'lumotlari: _____

Imzo: _____